



Prishtinë: 18.07.2012

Kodi i ZRRE-së: V_420_2012

Nr. i Referencës: ZRRE/DMK_V_769_04_12

Bordi i Zyrës së Rregullatorit për Energji

Duke marrë parasysh:

1. Kompetencat e Zyrës së Rregullatorit për Energji të dhëna në nenin 14 të Ligjit për Rregullatorin e Energjisë;
2. Dispozitat sipas Kreut IV, nenit 17 dhe 18 të Rregullës për Zgjidhjen e Ankesave dhe Kontesteve në Sektorin e Energjisë;
3. Dëshmitë e paraqitura nga palët;
4. Vendimin e DMK të ZRRE-së: **ZRRE/DMK_V_769_04_12**; dhe
5. Ankesën e KEK-ut me datë 08.05.2012.

Në mbledhjen e mbajtur më 18 korrik 2012 nxorri këtë:

VENDIM

- I **REFUZOHET** ankesa e KEK-ut ndaj vendimit të DMK-së për konsumatorin Xhemali Hasani (parashtruesi i ankesës Shyqëri Krasniqi, shifra në KEK: DPZ - 143607), nga Prizren, si në arsyet e paraqitura në arsyetimin e këtij vendimi.
- II **MBETET në fuqi** vendimi i Departamentit për Mbrojtjen e Konsumatorëve nr. ZRRE/DMK_V_769_04_12 i datës 24.04.2012.

Arsyetim

Punëtorët e autorizuar të KEK-ut për ndërrim njehsori me datë 20.01.2009 kanë dalë te konsumatori dhe kanë bërë ndërrimin e njehsorit elektrik, ku kanë hequr nga matja njehsorin elektrik nr. 1858584 dhe kanë vendosur për matje njehsorin elektrik nr. 9061172.

Pas ndërrimit të njehsorit elektrik nga punëtorët e autorizuar të KEK-ut dhe dërgimit në qendrën e kalibrimit, punëtorët e autorizuar të qendrës së kalibrimit kanë bërë kontrollimin detal të njehsorit elektrik nr. 1858584, ku është konstatuar se njehsori elektrik është pa blloba shtetërore, nga ana e jashtme njehsori pjesën kyçëse e ka të djegur, e po ashtu edhe kapaku i epërm nga ana e poshtme është i djegur si dhe numëruesi i manipuluar.

Me datë 25.11.2009 Departamenti i Faturimit në KEK e ka ngarkuar konsumatorin me ngarkesë për shfrytëzim të paautorizuar me anë të faturës DPZ09HP04916 në vlerë prej 270.88€.

Pas ngarkesës së KEK-ut për shfrytëzim të paautorizuar të energjisë elektrike në vlerë prej 270.88€, konsumatori ka parashtruar ankesë në KEK. Departamenti për konsumator në KEK ka shqyrtuar lëndën e konsumatorit ku edhe ka refuzuar ankesën e tij. Konsumatori pas marrjes së përgjigjës nga ana e KEK-ut, brenda afatit ligjor ka parashtruar ankesë në Departamentin për Mbrojtjen e Konsumatorëve në ZRRE me të cilin ka kundërshtuar ngarkesën për shfrytëzim të paautorizuar të energjisë elektrike.



Departamenti për Mbrojtjen e Konsumatorëve ka bërë shqyrtimin e ankesës së konsumatorit dhe me datë 24.04.2012 ka nxjerr vendim duke **aprovuar** ankesën e konsumatorit dhe duke kërkuar nga KEK-u që të shkarkoj konsumatorin nga fatura e shfrytëzimit të paautorizuar (rikthimit të humbjeve) DPZ09HP0491 e datës 25.11.2009 në vlerë prej 270.88€.

Pas marrjes së vendimit të DMK-së, me datë 08.05.2012 KEK-u ka parashtruar ankesë në Bordin e ZRRE-së ndaj këtij vendimi, me të cilën ka kundërshtuar pjeshëm vendimin e DMK-së nr. ZRRE/DMK_V_769_04_12 të datës 24.04.2012, dhe njëherit ka propozuar që aprovohet kundërshtimi i KEK-ut dhe borxhi i theksuar më sipër të ngelet kontest deri në përfundimin e të gjitha procedurave ligjore.

Bordi i ZRRE-së në mbledhjen e mbajtur me datë 18 korrik 2012 ka analizuar dëshmitë e paraqitur nga ana e KEK-ut, përkatësisht bazën e kundërshtimit procesverbalin e kalibrimit.

Gjatë analizës së lëndës së konsumatorit Bordi ka vërejtur se ka mos përputhje mes procesverbaleve të KEK-ut, ngase në procesverbalin e kalibrimit theksohet se njehsori elektrik nr. 1858584 nga ana e jashtme pjesën kyçese e ka të djegur si dhe kapaku u epërm nga ana e poshtme është i djegur, mirëpo duhet theksuar se në procesverbalin për ndërrimin e njehsorit elektrik nr. 2119/D punëtorët e KEK-ut nuk kanë evidentuar se njehsori elektrik pjesën kyçese e ka të djegur

Bordi i ZRRE-së ka analizuar edhe shpenzimin e energjisë elektrike me njehsor të vjetër dhe me njehsor të ri ka ndryshim, dhe se me njehsor të ri ka rritje të shpenzimit. Mesatarja e shpenzimit me njehsorin e vjetër nr. 1858584 prej periudhës 06/2006 – 02/2009 ka qenë 562 kWh/muaj, ndërsa me njehsorin e ri nr. 9061172 prej periudhës 02/2009 – 02/2011 është 981 kWh/muaj. Konsumatori ka prezantuar edhe kontratën për shitblerjen e patundshmërisë të datës 08.08.2006 e lidhur mes Olivera Djukanoviq dhe Drita Krasniqit, dhe se sipas analizës së bërë shpenzimit të energjisë elektrike prej kësaj periudhe e tutje mund të vërehet qartë se kemi rritje graduale të shpenzimit vit për vit.

Po ashtu janë analizuar edhe listat e leximit të KEK-ut, ku është vërejtur se lexuesi i KEK-ut në disa lista të leximit ka vërejtur se njehsori elektrike është në rregull por se i mungon kapaku i njehsorit, ndërsa në disa lista të tjera të leximit njehsori elektrik është në rregull dhe e ka vulën distributive në rregull.

Sa i përket kundërshtimit të KEK-ut në ankesë që të merret bazë vetëm procesverbali i kalibrimit për të anuluar pjesërisht vendimin e DMK-së, Bordi i ZRRE-së pas shqyrtimit të këtij procesverbali ka vlerësuar se konstatimet e bëra në procesverbalin e kalibrimit nuk kanë qenë bindëse për të vërtetuar atë çka është theksuar në procesverbal. Sipas nenit 8, paragrafi 8.3 i Procedurës për Identifikimin dhe Parandalimin e Shfrytëzimit të Paautorizuar të Energjisë elektrike theksohet se, konstatimet e parregullsisë funksionale të njehsorit elektrik të konstatuara në laboratorin e kalibrimit nuk mund të përdoren si provë e vetme meritore për ngarkimin e konsumatorit me faturën e rikthimit të energjisë së humbur.

Bordi i ZRRE-së në mbledhjen e mbajtur me datë 18.07.2012 ka analizuar ankesën e KEK-ut dhe vendimin e nxjerrë nga ana e DMK-së nr. ZRRE/DMK_V_769_04_12, dhe pas analizimit të hollësishëm të të gjitha dëshmive tjera të prezantuara në shkresat e lëndës ka vendosur në diapozitivin e këtij vendimi.



Këshillë Juridike: Pala e pakënaqur me këtë Vendim mund të iniciojë konflikt administrativ në Gjykatën Kompetente, brenda tridhjetë (30) ditëve nga data e pranimit të Vendimit ose data e publikimit të tij në faqen elektronike të ZRRE-së, cilado që ndodhë e fundit.

Bordi i ZRRE-së

Enver Halimi, kryesues

Përparim Kabashi, anëtar

Blerim Koci, anëtar

Merita Kostari, anëtare

Krenar Bujupi, anëtar